



UNIVERSITÄTS-  
BIBLIOTHEK  
PADERBORN

# **Claudii Fleurii Abbatis Historia Ecclesiastica**

Ab Anno Christi 1675. usque ad annum 1681

**Fleury, Claude**

**August. Vind. [u.a.], 1780**

**VD18 90119207**

§. 44. Comitiorum Successus.

---

[urn:nbn:de:hbz:466:1-67305](https://nbn-resolving.org/urn:nbn:de:hbz:466:1-67305)

Sæc. XVII. fruere valerent. Verum hæc ipsa Cæ-  
 A. C. 1681. saris indulgentia omni expectatione  
 major Protestantes ad obsequium emol-  
 lire haud poterat; hi enim, quamvis  
 a Bauningio Batavorum Oratore ad  
 moderandum in Catholicos odium ad-  
 moniti essent, a postulatis suis ne li-  
 tum unguem desistere statuerunt, eo-  
 rum audaciam inflammante Töckelio,  
 qui unacum Abassio Transylvaniæ Prin-  
 cipe, Turcis, Transylvanis, Valachis,  
 Moldavisque Scepusium, Beserminum,  
 Kaloam montanasque urbes intercepti,  
 totamque trans Tibiscanam Regionem,  
 incendiis, terrore, ac latrocinii depopu-  
 latus est. Rursus etiam Abassius  
 Zatmariam urbem arcta obsidione cin-  
 xit, Transylvaniam vero novo servitu-  
 tis iugo adstringi veritus, e medio co-  
 natu se recepit, ab insequentibus Hol-  
 saris multa cæde, spoliisque multatus.

## §. XLIV.

*Comitiorum successus.*

*Theatr. Eu-* Indignabatur vehementer Leopoldus  
*rop. Priet.* Imperator, quod, Protestantium se-  
*Annal cont.* rociam nulla re magis, quam sua in-  
*pag. 963.* dulgentia irritari, iterato experimento  
 comprobatum cerneret, quocirca dilato  
 Religionis negotio politicas Magnatum  
 tam Catholicorum quam Protestantium  
 quere-



querelas discuti iussit. Hi ergo die se- Sæc. XVII.  
ptima Septembris petebant, ne dein- A. C. 1681.  
ceps rebus pacatis exteri milites sine  
Regni auctoritate inducerentur, ab  
iisque Nobiles ac populi non molesta-  
rentur, Hungari præfidiarii in arcibus,  
oppidisque Regiis ex Cæsaris ærario a-  
lerentur, atque instaurandis limitum  
præfidiis Papa & Hispaniæ Rex stipem  
conferre rogarentur. Nobiles ad ex-  
tera tribunalia non raperentur, nec de-  
cretæ in perduelles poenæ ad Filios  
pertraherentur, Regnum exactionibus  
infolitis non gravaretur, & Nobiles a  
tributis eximerentur, Hungariæ finibus  
tandem designatis, libera mercium ne-  
gotiatio non interdiceretur, graviora  
Regni negotia non sine comitiorum au-  
thoritate pertractarentur, præter Cæ-  
sareum etiam Hungarus Orator Con-  
stantinopoli foret; Regni dignitatibus  
non exteri, sed Hungari præessent, at-  
que ad reliqua gravamina maturius di-  
scutienda Posonii nova celebrarentur  
comitia. Ad hæc Cæsar respondit, nil  
sibi gratius fore, quam si extincta se-  
ditione copias suas alibi necessarias re-  
ducere posset, nunc vero Protestantibus  
cum triginta suorum millibus, Tur-  
cisque cum ingenti exercitu Austriæ  
ruinam minitantibus id insanum fore,  
si vero milites sui licentius egissent,

Qq 5

co-



Sæc. XVII. cognita culpa eos omni severitate ple-  
A. C. 1681. hendos, minus autem æquum esse,  
 ut copię unice in Hungarorum secu-  
 ritatem pugnantes, alieno sumptu pe-  
 nitus alerentur, de cetero autem Ma-  
 jestatis læsæ reos, petita venia, libe-  
 ros esse dimittendos, ac cessante bello  
 Nobiles quoque nullis exactionibus esse  
 gravandos, in belli autem impendium  
 & limitaneas munitiones subsidia con-  
 ferre, necesse esse, concessam negotia-  
 tionis libertatem revocatum, & Hun-  
 gariæ fines præcipue ad Moraviam,  
 Silesiam &c. proxime descriptum in:  
 Cetera omnia Magnatum postulata in-  
 dulgentissimus Cæsar pauculis immu-  
 tatis probavit, atque in leges referri  
 concessit. Nec tamen his contenti  
 Hungariæ Proceres, insuper Colonitium  
 Comitem Hungariæ Curie Præsidem  
 suo munere amoveri, ac Nationis suæ  
 laicum subrogari, & rebellium Comi-  
 tum nuper capite plexorum bona eo-  
 rum familiis restitui, ac Protestantibus  
 liberrimum ubique sectæ exercitium,  
 imo mille Ecclesias eis reddi postula-  
 bant: Attamen Cæsar se præter jam  
 concessa nil amplius indulturum, nec  
 Colonitium optime meritum sine omni  
 culpa tanta infamia affecturum respon-  
 dit: nihilominus Comes, ut eo facilius  
 rebelles compesci, & pax restitui posset,  
 ultro



ultro sese suo abdicavit officio, ipse e-  
tiam eadem ex caussa Strigonienſis Ar-  
chiepiſcopus juri, vi cujus defuncti Pa-  
latini vices agere ab antiquo conceſſum,  
ſponte ceſſit. Poſtquam igitur Cæſar  
ac Catholici Magnates ferme omnia  
rebellibus clementer indulſerant, quæ  
vel nutantem vel fractam eorum fidem  
ad debiti obſequii leges denuo compo-  
nere poſſent, concordiæ ſpes aſſurgere  
videbatur: verum Turcarum Impera-  
tor, quamvis eodem ferme Menſe Al-  
berto Capraræ Cæſaris Oratori pacem  
ad alios duodecim annos ſe protracturum  
ſpōndiſſet, Töckelii tamen ac rebel-  
lium impulſu, tredecim Janiſſarorum,  
& viginti Equitum millia ſeditioſis ſub-  
miſit, datisque literis Abaſium juſſit,  
ut ſeſe cum toto Tranſylvanorum, ac  
Valachorum robore illis nulla mora con-  
jungeret. Paruit huic mandato Abaſ-  
ſius, atque jaſtato tuendæ Religionis,  
libertatiſque obtentu in Superiorem  
Hungariam irrupit, ruſusque incasſum  
tenrata Zatmaria urbe octo pagos di-  
ripuit, ac inde plusquam mille juvenes  
abſtractos Turcis ſubmiſit: paulopoſt  
tamen Baragoſſius Hungaro-Cæſarei  
exercitus Dux rebellium agmen ador-  
tus, trucidato eorum Ductore, aliisque  
octoginta novem, quamplurimos captos  
abduxit, iteratoque prælio cæſis plus-  
quam

Sæc. XVII.  
A. C. 1681.



Sæc. XVII. quam quadringentis ceteros in fugam  
A. C. 1681. egit, & Barbaros in Turcarum ditiones  
 retrusit. Interim fideles Hungariæ  
 Magnates Töckelium, ut ab infami Tur-  
 carum societate desisteret, oblatamque  
 Cæsaris gratiam admitteret, maximo-  
 pere hortabantur, ipse etiam Cæsar  
 Saponaram Baronem ad eundem able-  
 gavit, eique plenam præteritorum ob-  
 livionem, omne clementiæ officium,  
 necnon Ragotsiam ducendi licentiam  
 obtulit, dummodo dimisso milite co-  
 mitiorum legibus obtemperaret. Hic  
 ergo se errorem suum, & Cæsaris cle-  
 mentiam agnoscere simulans, rogabat,  
 ut Cæsar inducias concederet, se inte-  
 rim Budam profecturum, ibidemque  
 cum Bassa, apud quem plurimum gratia  
 valeret, rem confecturum. Enimvero  
 Budam venit, sed ad Turcarum Sena-  
 tum admissus, exposuit, se adventasse,  
 ut se, suamque nationem Sultano tri-  
 butariam redderet, atque ad restauran-  
 dam sectæ, patriæque libertatem ejus  
 opem imploraret: postea Protestantibus  
 maximo numero ad sua signa con-  
 volantibus, tacito nomine per Hunga-  
 riam seditiosum disseminavit libellum,  
 quo Hungaros, ne fallacis clementiæ  
 velamine sese excæcari permetterent,  
 ad armorum societatem provocare ni-  
 tebatur. Cognita igitur rebellium per-  
 fidia,



fidia, ac Protestantium pertinacia, Sæc. XVII.  
cum ad præstitutum terminum nec com- A. C. 1681.  
paruissent, nec oblatam veniam ac in-  
ducias acceptassent, sonantibus tubis  
ac tympanis, omnibus privilegiis ac li-  
bertatibus tanquam jurati hostes exci-  
disse, omnium Procerum consensu de-  
clarati sunt. Postmodum Magda-  
lena Theresia Cæsaris Conjux more ma-  
jorum in Hungariæ Reginam die nona  
Decembris a Strigonienſi Archiepiſcopo  
uncta ac coronata est, quibus peractis  
horum comitiorum acta die decima ter-  
tia Decembris ab Hungariæ Magnati-  
bus subscripta a Cæsare confirmata  
fuere, denuo, frustrata tamen, reclaman-  
tibus seditiosis Protestantibus, quibus  
a clementissimo Cæsare in Regno tole-  
rari, satis non erat, sed dominari ge-  
stientes, ubicunque erant, primo tal-  
parum more occulta Reipublicæ fun-  
damenta suffoderunt, mox autem aucto  
suorum numero per apertas seditiones  
integrum Regnum evertere moliti sunt.

§. XLV.

*Hugonottæ in Galliis repressi.*

Quamvis Ludovicus Rex protendendi Carol. mens.  
sui Regni cupidine incitatus, re- pag. 286.  
belles Protestantes in Hungaria adver- Hode Hist.  
sus Cæsarem omni subsidiorum genere de Louis  
XIV. l. II.  
fulci- pag. 222.